

## SAMPLE

Nyob Zoo Niamtxiv/Tus Saibxyuas,

Cov kev qhia thiab tej tswvyim uas koj pab yog ib qhov uas tseemceeb heev rau peb kev tsim thiab txhim kho lub District cov qauv kawm ntawv uas xav kom ua thiab yuav pab peb kom paub muab cov tub ntxhais tso kawm licas thiab nrhiav cov kev pab rau lwm xyoo.

Vim yuav tau saib kom muaj kev noj qab haus huv ntawm peb cov tub ntxhais kawm ntawv thiab cov tibneeg ua haujlwm uas qhov ntawd yeej tseem yog thawj qhov uas peb yuav tau txhawj txog, peb yuav rovqab qhib peb cov tsev kawm ntawv los ntawm qhov uas yuav tau ua raws li cov qauv los natwm Sacramento County Department of Public Health and the California Department of Education. Lub sijhawm uas muaj tej li no peb yeej saib kom muaj kev sis npaug zog rau kev thaj yeeb nyab xeeb, kev kawm ntawv rau peb cov tub ntxhais, thiab yeej txais yuav lub zej zos tej tswvyim los tsim cov qauv kawm ntawv uas yuav muaj rau koj tus tub ntxhais kawm ntawv rau xyoo 2020-2021.

### **Peb muaj ob tus qauv tshiab rau kev kawm ntawv pib xyoo kawm ntawv 2020-2021:**

- 1. Transitional Model** – Yog Lub plawv ntawm tus qauv kawm ntawv rau Transitional Model uas yog kom muaj kev qhia ntawv los ntawm ib tus tibneeg nyob rau pem tsev kawm ntawv kom mus tau zoo li zoo tau lub sijhawm uas tseem muaj tus kabmob thiab yuav tsum tau ua raws li cov qauv kom tsi txhob nyob sis ze, siv tshuav tua kabmob, thiab siv tej yam los mus tiv thaiv. Tseem yuav muaj kev sis tham ntxiv tom ntej no txog tej yam tshwjxeeb uas yuav tsum tau muaj. Thov nco ntsoov hais tias vim tsi pub kom nyob sis ze (social distancing) peb kev thauj mus los yuav tsim muaj ntau lawms thiab.

#### **Elementary**

Cov tub ntxhais kawm PreK yuav kawm ob mus rau plaub hnuv toj ib lub limtiam nyob ntawm qhov program uas lawv cuv npe kawm ntawd.

Cov tub ntxhais uas kawm hoob TK/Kindergarten yuav tuaj kawm pem tsev kawm ntawv, ob hnuv toj ib lub limtiam, 3 xamoos toj ib hnuv thaum yam sawv ntxov lossis thaum yam tavsus. Yuav muaj kawm uake rau hnuv Tuesday/ Thursday thiab muaj kawm uake rau hnuv Wednesday/ Friday. Cov hnuv uas cov tub ntxhais tsi tuaj kawm ntawv, lawv yuav kawm nyob pem tsev (distance learning).

Cov tub ntxhais uas kawm qib 1-6 yuav tuaj kawm pem tsev kawm ntawv 4 hnuv toj ib lub litiam, ob xamoos thiab 50 nasthan toj ib hnuv, hnuv Tuesday txog rau Friday. Cov tub ntxhais muaj kawm uake ua tej pab thaum sawv ntxov lossis tavsus los ntawm ib qhov kev xaiv (randomized process). Peb yuav ua li peb ua tau los muab cov tsevneeg tso kom kawm nyob rau tib pab. Tsi tas li ntawd xwb, cov tub ntxhais yuav tau txais kev kawm ntawv ntawm nws tus kheej nyob rau lub litiam ntawd thiab yuav tau kawm pem tsev rau cov hnuv Mondays.

#### **Secondary**

**6-Period Traditional Schedule Schools** (Middle schools: Katherine Albiani, Samuel Jackman, Joseph Kerr, and James Rutter; High schools: Elk Grove and Pleasant Grove)

Cov tub ntxhais uas kawm rau traditional six-period schools yuav kawm kom tiav 6 hoob toj ib semester; txawm li ntawd los, nyob rau tus qauv kawm ntawv transitional model no, cov tub ntxhais yuav kom tiav 3 hoob rau thawj cuaj lub litiam ntawm lub semester thiab yuav kawm 3 hoob tshiab nyob rau cuaj lub litiam tomqab nyob rau lub semester ntawd. Qhov no yuav ua rau kom muaj kev sis txuas zoo nyob nruab nrab ntawm cov tub ntxhais- thiab cov xibfwb thiab yuav muaj sijhawm ntau dua los kawm txog tej yam tshwjxeeb nyob rau hoob ntawd.

Cov tub ntxhais yuav kawm 2 hnuv toj ib lub litiam, yuav kawm li 3 hoob uas yog 80 nathis toj ib hnuv, yuav kawm rau hnuv Tuesday/Thursday lossis Wednesday/Friday. Cov hnuv uas tsi tuaj kawm ntawv, yuav tau kawm nyob pem tsev (distance learning).

**Block Schedule Schools** (Middle schools: Harriet Eddy, Edward Harris, Jr., Toby Johnson, Elizabeth Pinkerton, and T.R. Smedberg; High schools: Cosumnes Oaks, Florin, Franklin, Laguna Creek, Monterey Trail, Sheldon, and Valley)

Cov tub ntxhais uas kawm nyob rau cov tsev kawm ntawv uas siv block schedule lawv yuav kawm plaub hoob txhua cuaj lub litiam.

Cov tub ntxhais yuav kawm ob hnuv toj ib lub litiam, yuav kawm plaub hoob uas yog 75-nathis toj ib hnuv, seb yuav kawm Tuesday/ Thursday lossis Wednesday/Friday. Hnuv uas tsi tuaj kawm ntawv yuav tau kawm pem tsev (distance learning).

**Alternative Education Schools** (Calvine, Daylor, Rio Cazadero)

Cov tub ntxhais yuav kawm plaub hnuv toj ib lub litiam, yuav kawm ob hoob uas yog 55-nathis toj ib hnuv, yuav kawm thaum sawv ntxov (AM)/ lossis yav tavs (PM). Hnuv Tuesday txog Friday. Cov tub ntxhais yuav tau kawm ntawv pem tsev (distance learning) txhua hnuv thiab.

- 2. Full Distance Learning (Kawm Ntawv Pem Tsev nkaus xwb)**– Yuav muaj qhia ntawv los ntawm lub tsev kawm ntawv uas lawv kawm, cov tub ntxhais, cov xibfwb, thiab lwm tus tibneeg ua haujlwm pab yuav muaj kev sis txuas tau los ntawm kev siv computer. Kev qhia ntawv yuav ua kom muaj npaug zog xws li, yuav qhia ntawv kom pom tamsim (live), thiab yuav muab kaw ua video tso saib, yuav muab tej kev kawm (lessons) uas tau kawm tas tso rau hauv kom lawv pom thiab. Kev kawm ntawv pem tsev yuav muaj kawm raws li sijhawm uas kawm li pem tsev kawm ntawv thiab. Lwm yam kev kawm ntxiv yuav tsum yog npaj los ntawm lub tsev kawm ntawv uas lawv kawm xwb.

Cov tub ntxhais uas kawm ntawv pem tsev yuav tau txais kev qhia ntawv uas pom thiab sis tham tau nrog rau tus xibfwb tamsim (live) uas yog qhia ntawv los ntawm kev siv computer online platform uas yuav qhia rau sawvdaws tasnrho nyob hoob ntawd, muaj kawm ua tej pab tsawg zog thiab, yuav muaj qhia rau tej tus tub ntxhais raws li qhov uas yuav tsum tau muaj los ntawm nws tus xibfwb. Kev uas yuav kawm nrog sawvdaws li no

yuav tau teem sijhawm uantej thiab mam li qhia uantej kom paub, thiab yuav tau los saib txog tus tub ntxhais ntawd lub noob nyoog thiab seb nws kawm qib dabtsi.

Cov tub ntxhais yuav nkag tau mus saib cov kev kawm uas muab tso rau hauv uas muaj kev pab qhia (guided) thiab muaj kev xyuam uas nws ua ntawm nws tus kheej, nkag mus saib tau tej video qhia ntawv uas tau muab kaw cia, lossis lwm yam ntaub ntawv uas lawv mus saib tau thiab mus ua tau thaum lawv muaj sijhawm. Tej ntaub ntawv thiab hnuv uas yuav tsum tau ua kom tiav, tus xibfwb mam li qhia kom meej tias yog licas.

Yuav muaj kev pab thiab kev kawm ntawv rau cov tabtom Kawm Ntawv Askiv. Cov kev kawm ntawv thiab tej uas yuav tau muab kho kom haum rau nws kev kawm nrog rau lwm yam kev pab no yuav ua kom zoo li zoo tau rau tub ntxhais uas muaj kev kawm ntawv tshwjxeeb.

Raws li tej uas nyuam qhuav muab hloov tshiab rau txojcai hauv lub Xeev no, tasrho cov districts yuav tsum muaj kev qhia ntawv pem tsev kawm ntawv kom zoo li zoo tau. Txojcai yeej cia cov niamtxiv xaiv kawm ntawv pem tsev yog hais tias qhov ntawd yog qhov uas zoo rau lawv cov menyuam lossis lawv tsevneeg kev noj qab haus huv.

Raws li tej uas tau muab hloov ntawm txojcai, peb tau muab tashro peb cov tub ntxhais mus kawm rau Transitional Model uas yog tuaj kawm ntawv pem tsev kawm ntawv, tiamsis niamtxiv yeej tseem muaj cai xaiv kom kawm ntawv pem tsev xwb los tau.

### **Cov Kauj Ruam Tom Ntej Rau Cov Niamtxiv:**

Yog koj xav kom koj cov menyuam mus kawm raws li tus qauv Transitional Model koj tsi tas yuav ua dabtsi lub sijhawm no li.

Yog koj xav kom koj cov menyuam kawm ntawv nyob pem tsev xwb, koj yuav tau ua ib yam ntawm cov nram qab no:

- Nkag mus rau hauv ParentVue thiab mus xaiv qhov uas hais tias Full Distance Learning (kev qhia nkag: <https://bit.ly/3f9VHxj>)
- Hu mus rau koj lub tsev kawm ntawv:

### **Kev kawm ntawv hauv tsev no yuav tsum xaiv uantej tsi pub dhau hnuv Distance Wednesday, Lub Xya Hli hnuv tim 15.**



Cov kev xaiv no, tsi yog yuav ua tas mus li. Peb yuav tau los saib txog tej yam yuav tau hloov thaum xaus thawj lub semester rau cov tub ntxhais kawm elementary school thiab yuav tau los saib thaum xaus lub quarter rau cov kawm secondary schools. Thov nco ntsoov hais tias peb kev npaj rau kev kawm ntawv no yuav hloov thaum twg los yeej tau saib raws li kev noj qab haus huv/ kev mob nkees. Peb zoo siab uas koj ua siab ntev thiab yoog nrog peb ua haujlwm uake kom ncav cuag peb cov tub ntxhais tej kev tu ncu.

Peb tos ntsoov hnuv uas tashro cov tub ntxhais yuav rov qab tuaj kawm ntawv nyob rau hauv cov tsev kawm ntawv. Mus txog rau thaum tsi muaj tej kabmob thiab tso cai tuaj tau lawm, peb yuav ua li peb ua tau kom cov tub ntxhais yuav kawm tau zoo tshaj. Nyob rau cov litiam tom ntej no, koj lub tsev kawm ntawv mam li qhia rau koj ntiv txog tej komtswj kawm ntawv thiab tej pab yuav kawm uake/ tuaj kawm uake rau xyoo tom ntej no. thov hu rau koj lub tsev kawm ntawv yog koj muaj lus nug.

Ntawm Siab Dawbpaug,



Mark Cerutti  
Deputy Superintendent  
Educational Services &  
Schools



Dr. Bindy Grewal  
Assistant Superintendent  
Elementary Education

Craig Murray  
Assistant Superintendent  
Secondary Education